

## OBAVJEŠTENJE KORISNICIMA KOMUNALNIH USLUGA

Obavještavamo korisnike komunalnih usluga, fizička i pravna lica da je od 01.08.2023. godine J.P. "Komunalno" d.o.o. Mostar preuzelo poslove komunalnih usluga, odvoza i deponovanja komunalnog otpada od J.P. Komos d.d. u stečaju Mostar.

Izražavamo iskrenu zahvalnost svim korisnicima koji su redovno izmirivali svoje obaveze prema prethodnom davaocu komunalnih usluga. Vaša podrška i saradnja su preduslov za održavanje čistoće i uređenosti našeg grada.

Svim korisnicima komunalnih usluga bit će omogućeno potpisivanje ugovora o komunalnim uslugama, kako bi se regulisala međusobna prava, obaveze i odgovornosti između davaoca komunalnih usluga i korisnika komunalnih usluga. Ukoliko korisnik usluge odbije zaključiti ugovor o korištenju komunalne usluge, a komunalna usluga se pruža, ostaje u obavezi da plaća troškove komunalnih usluga u skladu sa članom 23. Zakona o komunalnoj djelatnosti („Sl. novine HNK“ br. 4/2016)

Ugovori će biti uručeni putem inkasanata, a moći će se preuzeti i u prostorijama preduzeća na adresi Opine bb, kao i na naplatnom mjestu - Cvjećara "Lotos" na adresi Mostarskog bataljona bb ili putem web stranice [www.komunalno-mostar.ba](http://www.komunalno-mostar.ba). Ukoliko korisnik iz bilo kojih razloga nije preuzeo ugovor, potrebno nas je obavijestiti pozivom na broj 036/576-304 ili 036/576-995 te će isti biti dostavljeni putem naših inkasanata .

Ukoliko korisnik ima bilo kakve nejasnoće na dostavljeni ugovor može nas kontaktirati na prethodno navedene brojeve ili lično doći u prostorije preduzeća na adresu Opine bb gdje će dobiti sve potrebne informacije.

Također, želimo upozoriti sve korisnike da redovno plaćaju komunalne usluge kako bi izbjegli dodatne troškove (za neplaćene račune će se obračunavati zatezne kamate u skladu s važećim propisima).

Naš cilj je pružiti kvalitetne komunalne usluge i osigurati čistu i zdravu okolinu za sve građane grada Mostara. S toga Vas pozivamo da podržite naše napore i zajedno radimo na očuvanju okoliša i pravljenju ugodnijeg i zdravijeg mjesta življenja.

Zahvaljujemo na razumijevanju i saradnji!

S poštovanjem,



J.P. "Komunalno" d.o.o. Mostar